

# Ленинэнь киява

ВЛКСМ-нь Мокшэрзянь обкомонт ды Саранскоень ошонь комитетэнь газетаст

АПРЕЛЕНЬ

21 чя,

1937 ие

№ 45 (719)

ЛСС: 7-дк 11  
ЧПБ МТБЗ

## ЛЕНИНСКОЙ КОМСОМОЛОНТЕНЬ МАКСОЗЬ ТРУДОВОЙ ЯКСТЕРЕ ЗНАМЯНЬ ОРДЕН

Апрелень 17-це чистэ Г. И. Петровскоень председательстванзо коряс ульнесь ССР-нь Союзонь ЦИК-нь Президиумонть заседани-язо. Те заседанисонть, ульнесь казезь ударничествань ды социалистической пелькстамонь тевсэнь яволявтозь инициативанть кис, ульнесь максозь комсомолонтень Трудовой Якстере Знамянь орденэсь.

Орденэнь примить ВЛКСМ-нь Центральной Комитетэнь секретарьне Косарев, Лукьянов, Файнберг, Вершков, Пикина ды Васильева.

Косарев евтась нурькине вал:

— Ленинской комсомолось башка заслугань кис минек родной правительстванть пельде получи омбоце орден. Васеньце орденэнь Ленинской комсомолось получизе гражданской войнань фронтнэсь отличиянь кис. Те орденэнь, конань максы минек правительстванть мереманзо коряс Петровский ялгась, Ленинской комсомолось получи социалистической строителствань фронтнэсь заслугань кис.

Минек миллионот отважной, мужественной од ломаньтве ловить питнейкс ды пек покш мельс паросот се мелявтоманть кис, конань яви сынест минек правительствась Петровский ялгай, те орденэнь минь карматано ванстамо истя жо, кода ванстано Социалистической Ине Революциянь!

Миллионот од ломаньтнень пельде покш пасиба минек правительстванть мелявтоманть кис ды се покш оценканть кис, конань сон максы минек роботанть.

— 000 —

## АНОКСТАТАНО МАЕНЬ 1-це ЧИНТЕНЬ

Минек, Чамзинкань средней школысонть моли покш анокстатомань 1-нь чинь торжественнень. Минь невтьяно пьеса, ютавано физкультурной пелькстамот, ловнозь улить декламацият ды лият. Морамо карматано минек уцяскав эрмодонть, ине родинадонть. Улить ютавтозь оборонной значоктнень лангс нормань массовой максомат.

Маень 1-нь чинтень анокстатомонть марто седе пек кассь тонавтнемань качествакак.

Н. М. Симдянов.

— 000 —

## Культурной бригада

ВКП(б)-нь Чамзинкань райкомось ды районО-сь тейгсь культбригада, кона ней яки колхознэва, пакса станга ды вети работа колхознэнь культурной обслуживаниянь коряс.

Культбригадась колхозниктнэнь ютксо толкови ВКП(б)-нь ЦК-нь Пленумонть решениятнень, Пленумсонть Сталин ялганть докладонзо ды заключительной валонзо.

Тедэ башка, культбригадась тейни эрва кодат выступленийт, морси морот, частушкат. Н. С.



Июнь ковсто Комсомольск на Амуре славной ошонть (ДВК) топодить вете иеть. Ней Московов састь комсомолонь ошонь организациясто делегатт.

СНИМКАСОНТЬ: I-це рядось (керш ендю витев) Богуславский, Селивестров, Дьяконов ялгатне, II-це рядось (керш ендю витев) Тарлинский ды Таруков ялгатне.

Фотось Б. Фишманонь (Союзфото).

## КОДА КАРМИТЬ ЮТАМО ПРОВЕРОЧНОЙ ИСПЫТАНИЯТНЕ

Маень 20-це чистэ весе школатнэсь ушодовить проверочной испытаният.

4-це классо рузонь келенть ды арифметиканть коряскармить улеме устной ды письменной испытаният, естествознаниянь ды географиянь коряс жо ансяк устнойт. Ветеце классо тонавтиятне рузонь келенть ды арифметиканть коряс максуть устной ды письменной испытаният ды устной испытаният максуть географиянь коряс. 6-це классо рузонь келенть, арифметикадонть ды географиядонть башка максуть испытаният батаникань коряс.

4-це, 5-це ды 6-це класстнэсь испытаниятне прыдовить июнен 5-це чистэ. 7-це классо жо сынь кармить молеме июнен 15-це чис. Сисемеце классо тонавтиятне максуть устной ды письменной испытаният рузонь келенть ды литературанть коряс, письменнойт алгебрань коряс, устнойт геометриянь, историянь, физикань, зоологиянь, географиянь ды иностранной келень коряс.

8-це классо тонавтиятне максуть письменной ды устной испытаният литературанть ды алгебранть коряс, письменнойт рузонь келенть коряс, геометриянь, ломанень анатомиянь ды физиологиянь ды иностранной келень коряс жо максуть ансяк устной испытаният. Вейксэце классо тонавтиятнень геометриянь коряс истя жо, кода литературанть коряскак кармить улеме устной ды письменной испытаният, алгебранть ды рузонь келенть коряс—письменнойт, мейле жо устной испытаният кармить улеме тригонометриянь, физикань, эволюционной тонавтиеманть коряс ды географиянь коряс.

Испытаниятне кармить молеме

классо, косо кармить улеме весе тонавтиятне. Эрва чистэ можна максомс ансяк вейке испытания.

Минек кевкстнесь, можна ли максомс испытаният, бути улить ламо берянь тешксэть. Можна. Испытаниятнень поддавить весе, апак вант сынст берянь тешкстнень ламо-чист лангс. Бути тонь улить берянь тешксэть неть предметнэнь коряс, конатнень коряс общей испытаният а улить, неть предметнэнь коряс сави максомс испытаният башка.

Ламо тонавтият бажить содамс, кода кармить ютавтомо классто-класс. Бути черчениянь, пениянь, рисованиянь, физкультурань ды музыкань коряс тонь тешксэть „посредственнадо“ алкиветь, основной предметнэнь коряс жо—„посредственнат“, тонь ютавадызь лия класс. Но бути тунда испытаниятнестэ получают „плохо“ эли „очень плохо“ основной предметнэнь коряс ды мейле, сексень испытаниятнестэ эсоть тешксэть а витьсыть, тонь кадтадызь омбоце иес.

Похвальной грамота получить неть тонавтиятне, конатнень основной предметнэнь коряс иенть перть тешксэст ды поведениясь „отлична“, лия предметнэнь коряс жо „хорошо“ аволь седе алкиветь. Тонавтиятне-выпускниктне, конатнень максомь похвальной грамотат, грамотадонть башка получить башка аттестат. Те аттестатось максы сынест права молеми испытаниявтомо эрва кодамо высшей учебной заведения экзаменэнь апак максо.

92

Те праванть кис эрви бороцямс минек эйстэ эрвантень.

## Рафаэль Альберти ды Мария-Тереса Леон—СССР-сэ улемадост

Испанской писательне Рафаэль Альберти ды Мария-Тереса Леон пачкодсть Мадридэв. Вейс пурнавозь социалистической од ломаньтнень „Аора“ газетанть сотрудник марто корнемстэ сынэ евтнест Советской Союзсонть улемадост. Сынэ тешкстыть сень, кода советской трудицятне ванить Испаниясо тевтнень мельга. Эрва кудостонть козонь сынэ совсесть, неильть Испаниянь карта ды Мадрид ошонть карта.

Газетань сотрудникенть се кевкстеманзо лангс, кода вастынзе Сталин ялгась, сынэ мерсть: „Сталин ялганть марто минек вастамонок ульсь Испаниянть се симпатиянь ды вечкеманть сех покш невтемакс, конатнень атмосферадонть минь евтнинеке икеле. Сталин ялгась оякс кортнесь мартонок 2 чассто кувать. Сон пек парсте содасынзе сех сложной проблематнень, конат аштит Испаниянь икеле. Сталин кортнесь минек марто просто, тетякс сон сех пек кевкстнесь минек масторовь (Испаниянь) крестьяннеде, интеллигенциядонть, минек народной армиянь командиртвезде. Испанской од ломаньтнень шыазь. Сталин мерсть: „Мон пек кемаи испанской од ломаньтнесь“.

„Кавто частнэ, конатнень минь ютавтынеке Сталин ялганть марто, тешкстызь писательне, — минек мельсэ кадовить прок сех покш ды сех паро невтема Испаниянгень сеть чувстватнень, конат улить Советской Союзсонть“.

— 000 —

## „Улян летчикекс“

Синицын Панька 1934 иестэнь, эярдэ тензэ ульнесь 19 иеть, прыдсь трактористэнь курст. Роботась трактористэкс. Паро роботамонь кис кучнизь механикень курсс, конатнень сон прыдынзе вадра успех марто. Меельсэ шкастонть роботась механикэкс. Мейле аравтызь Чамзинкань МТС-сэнь тракторной курсонь заведующейкс.

Синицын ялгась активной комсомолец. Сон весе эсь роботасонзо нейти честность, аккуратность. Пек вечксы техниканть. Те иень сексия сон карми призывагсь армияв. „Бути, келя, примасамизь, мон то-о карман летной тевенть тонавтнеме. Путса весе вием, штобу улемс летчикекс“. Н. С.

— 000 —

## Толковизь Сталин ялганть докладонзо

Чамзинкань район. Хлыстовка велень аволь полной средней школысонть апрелень 14-це чистэнь толковизь ВКП(б)-нь ЦК-нь Пленумсо Сталин ялганть докладонзо ды заключительной валонзо.

Титов ялгась тонавтиятнень чаркодекскстэ евтнэзе весе сень, мезде кортась Сталин ялгась ды кодат задачат аравтсь сень туртов, штобу икеле пелев седе парсте аравтомс партийной, советской, комсомольской организациятнень роботаст. Н. Калев.



## АРДАТОВАНЬ РАЙКОМОНТЬ КОЕНЗЭ

Кавто чить молись Ардатовань райононь комсомолонь активень промкось, косо т о л к о в а з ь ВЛКСМ-нь крайкомонь ды обкомонь пленумтнэнь итогост.

Прениясо весе кортыцятне лангс таргасть асатыкстнэнь ды ильведькстнэнь, конат ульнесть райкомонть работасонзо. Весе тешкстызь, што районсонть комсомолецтнэнь ды аволь союзной од ломаньтнэнь ютксо малав овси арасель воспитательной робота. Политонавнемась моли лавшосто, райкомось сезевезь те тевенть ветямонзо эйстэ. Райкомонть сельмензэ икеле, педучилищасонть малав уш кавто ковт эсть ульне политзанятия, те секс, што а косо, келя, ютавтнемс.

Районсонть улить зярый велеть, колхозт, косо овси арасть комсомолецт. Те ков седе парсте невти райкомонть берянь роботанзо. Райкомось сезевезь од ломанень массатнэнь ды мик комсомолонь организациятнэнь эйстэяк, сынст лангсо руководстванть вети бюрократической койсэ, кабинетсэ аштесь, серминень кучнезь.

Комсомолонь райкомонть умок уш усксвить прок сех а эрвикс конев пангст—32 заявления, конат те шкас апак ванно.

Сонсь райкомось васенькексневтсь ВЛКСМ-нь уставонть коломонь пример: иень перть эзь ютавтокшно вейкеяк пленум, сестэ, кода эриволь бу эрва кавто ковань ютазь тердтнемс пленум.

Комсомолонь райкомсонть ды кой-кона первичной организациятнесэ безобразиятнеде ульнесть зярый сигналт, райкомось лепштысь сынст эйсэ, эзь снартнеяк витем невтезь асатыкстнэнь. Районной газетасонть печатазель заметка „Близорукость Клемина“—педучилищань комсомольской организациядонть. Райкомось те шкас яла

кодаткак мерат эзь прима те заметканть коряс.

Райкомось кучни первичной организациятнес сермат. Ды кодатансяк пейдемат сынть теньсэ атейнить. Серматнень сех сеедьстэ к у ч н и райкомонь политонавнемань отделень заведующиесь Фоминялгась. Сон сеедьстэ эр секшн иредьстэ ды секс кие соды мезть човори. Серматне пачколить аволь тов, коверявить. Аволь умок свинсовхозонь комитетэв сась серма. Панжизь сонзэ—сермась сермадозь лия организацияв.

Истямо „руководствань“ ветязь, райкомось допрок сезевсь первичной организациятнэнь эйстэ, а содасынзе ды а проверякшны сынст работаст.

Райкомолось мезеяк эзь тее сень коряс, штобу парсте аравтомс Сталинской Конституциянтэ тонавтнеманзо. Зярый организацият вешть пропагандистт, райкомось тест ансяк яла алтни—Конституциянтэ тонавтнемань тевесь жо яла ашти вейке таркас.

С. Быков.



СНИМКАСОНТЬ: Косарев лемсэ центральной аэроклубонть фасадозо. Фотось Д. Фавиловичень (Союзфото).

А. КОСАРЕВ

## Антирелигиозной пропагандась ды комсомолонть задачанзо

Социалистической воспитаниянь неенень шкань задачатне аштить в основном сеньсэ, штобу советской ломаненть сознаниясто маштомс капитализмань пережиткатнэнь, трудонть, гражданской долгонть, нациятнэнь ютксо взаимоотношениятнеде, тейтерь-авантень отношениядонть ды лиядо ташто чаркодематнэнь полавтомс од, коммунистической чаркодемасо.

Советской гражданинэнь сознаниясто капитализмань пережиткатнэнь маштомась, антинародной весе влияниятнэнь, ташто навиктнэнь ды предрассудкатнэнь допрок истожамось ды пень путомась аштить течень чинить политической пек важной задачка. Коммунистической партиянтэ ветямонзо коряс минек советской обществась добувась ине успехт ломаненть сознаниянзо одкс теemasонть. ССР-нь Союзонь Конституциянтэ проектензэ эсь докладсонзо Сталин ялгась тешкстызе, што СССР-нь народтнэнь обликест допрок лиякстомсь. Робочей классоськак, крестьянстваськак, интеллигенцияськак ней уш аволь истят, кодамокс сынть ульнесть капитализмань шкастонть. Маторонть экономиканзо социа-

листической койсэ одкс теезь, советской обществась теке марто одкс тейсь ломаньтнэнь сознаният, мироощущеният ды психологият, сынст чаркодемаст эрямонть эсист врагтнеде ды оятнеде, уцяскантень ды личной благополучиянтень китнеде.

Неть пек покш полавтовкстнэнь лангс ванозь, кона-кона ялгатнэнь ули мелест арсемс истя: минь, келя, совинек социализмантень, весе ломаньтне кармасть улеме сознательной гражданинэкс, сознательной труженникекс, ды антинародной эрва кодат тосо религиозной влияниятнэнь куш кодамо кадовкстнэ ды весе лиясь кармить сынсь „емамо“ икелев изиявкс марто леманть шкасто.

Педепев а виде, оппортунистической мел! Сон моли лезс ансяк народонь врагтнэнь, социализмань врагтнэнь. Ленин ды Сталин тонавтыть минек эйсэ, што ломаньтнэнь сознанияст одкс теemasь—пек кувака шкань ды пек стака процесс, кона карми молеме ламо шкань перть социализмань экономической базанть строямодонзо мейлеяк. Кувака шкань секс, што ломаньтнэнь сознанияст кой-яродо

## КОДА КЕНДЕ ВЕЛЕСЭ „ТОНАВТНИЗЬ“ СТАЛИН ЯЛГАНТЬ ДОКЛАДОНЗО

Дубенкань район. Апрельень 5-це чистэнтэ вейсэнь промксос пурнавсть Кенде велень „Юпитер“ колхозонть ды Литвинов лемсэ колхозонть комсомолонь организациятне. Промксонть эривсь тонавтнемс ВКП(б)нь ЦК-нь Пленумсонть Сталин ялганть докладонзо. Чаркодеви, што эриволь анокстамс ды ютавомс те промксонть сех парсте, образцовоистэ. Но те-эзэ лисе. „Юпитер“ колхозонь комсомолонь организациянтэ комсоргось В. Щеглов эзь сакшнояк промксонть. Сталин ялганть исторической докладось „толковазь“ ансяк ланга-вакса, но аволь томкасто, аволь чаркодевиксстэ. Сталин ялганть докладонзо толковамсто эзь ульне лангс таргазь сеть асатыкстнэ ды ильведькстнэ, конат улить Кенде велень первичной организациятнэнь работасост.

Седеяк безобразноистэ, преступна ютавтозь апрельень 8-це чистэ политзанятиясь, косо толковазь Сталин ялганть заключительной

валозо. Литвинов лемсэ колхозонь комсомолонь организациянтэ комсоргось Русскин сась иредьстэ. Эриви меремс, што сонзэ марто сеедьстэ истя эрси.

Сень таркас, штобу парсте тонавтнемс Сталин ялганть заключительной валонзо, занятиятнэнь ютавомс идейной покш уровеньсэ, сонсь комсоргось Русскин кармасть комсомолецтнэнь марто севномо, сынст покордамо. Бути кевкстиль киньгак ды комсомолецсь кармиль отвечамо, то Русскин пижниль лангзонзо: „Месть кортат, коли мезеяк а содат.“ Тень эйсэ самая алкуксонь тевсэ сезизе Сталин ялганть заключительной валонзо тонавтнеманть. Зярдэ жо Русскиннэнь ды Щегловнэнь макссть вопрос, сынть овси эзь отвечамо.

Эриви нейке жо одс, парсте томкасто тонавтнемс Сталин ялганть докладонзо ды заключительной валонзо.

А. Щеглов.

## Курортниктнэнь туртов постановкат ды концертт

Советской Союзонь курортнэс молить музыкальной ды театральной сехте вадря коллективт, ансамблят ды солистт.

Кисловодскойсэ карми улеме ленинградской филармониясь, Еваториясо—радиокомитетнэнь симфонической оркестрась, Сочиэс—Завадскоень театрась, кона теи 12 спектаклят. Кавказонь курортнэс теить 35 спектаклят Симоновонь театрась ды 25 спектаклят сатирань театрась (Москов).

удалов кадовкшны сынст эрямокост (бытияст) одкс тееманть эйстэ, ломаньтнэнь прянь ветямонь ды мировоззрениянь ютазь ды эрямосонть ертозь норматнэнь эрва кода кундсезь. Виде ли арсемс, што антинародной весе влияниятнэнь можна пек курок маштомс—допрок ды педепев? Нама, а виде. Ломаньтнэнь сознаниясто капитализмань пережиткатнэнь маштомань тевесь веши ветямс апак сизе ды секе тев воспитательной робота.

Сень кувалт чаркодемась, што ломаньтнэнь сознаниясто реакционной весе пережиткатне, кезерень весе предрассудкатне сынсь емить, прынзо невтизе, в частности, масторсонь антирелигиозной пропаганданть состояниясонзо. А мейсэ сепомс, што минек общественной вейкеяк организация—профсоюзтнэ, комсомолось, воинствующей безбожиктнэнь союзось—ней а невтити антирелигиозной пек покш активность.

Тень кис пек келейгадсть превтее, беспочвенной кортнемкатне, сень кондымотне, што „пазнь озныцят минек арасть, чекить, келя, ансяк сыре бабатне“, „антирелигиозной пропагандась келя—ютазь этап, умок таштомозь тев“, ды лият.

Воинствующей безбожиктнэнь союзонть советнеяк мик сеедьстэ а истя пек ветить атеизмань пропаганданть, кода „тонавтнэнь тру-

дицятнэнь ютксо религиянтэ куломанзо“ ды певтеме кенярдыть тень кувалт.

СССР-нтэ од Конституциянь 124-це статьянтэ, косо сермадозь, што „религиозной культнэнь ютавомань оля-чись ды антирелигиозной пропагандань оля-чись максозь весе гражданинэнь“, комсомолонь ламо организацият ды антирелигиозной фронтонь роботникт вастызь эсь койсэ, тейсть эйстензэ овси аволь виде выводт. Коли религиозной верованиянтэнь оля-чись максозь ды узаконенной советской Конституциясонть, сестэ, арсить сынть можна „законной“ (!) основаниянь коряс а ветямс антирелигиозной пропаганда. Антирелигиозной пропаганданть лангс беряньстэ ваноманть сынть полавтызь те тевенть ветямонзо эйстэ наив ды сознательна отказомсонть!

Эриви улемс наксадо чиновникс, но аволь коммунистэкс, штобу истя толковамс Сталинской Конституциянтэ. Яла теке те факт, ды сон кемекстави сеньсэ, што минек комсомольской зярый организацият допрок мезекскак а ловить антирелигиозной воспитаниянтэ.

Теке жо шкане поптнэ ай арсить как лоткавомс эсист „духовной деятельностью“. Мекей лангс улить церковной ды сектантской мракобесиянтэ вельмамонь весе признак-



## КАЛЯДИН ТОНАВТЫ БЕРЯНЬСТЭ

Мокшэрзянь педагогической учи лищасонть (Саранск) математи- канть коряс удалов кадовиця сту- дентяеде сех ламо. Те секс, што преподавателесь С. Калядин а ло- ви эсинзэ тебекс тонавтоманть парсте аравтоманзо. Кода карми сон уроконь максомо, сонзэ ме- зек а чаркодят. Евтни ламо а эрявикс валт, секе тев сонсь ма- нявкшны ды мейле мери: „Вернее вот так“. Таго тапарит-тапарит, ды кияк мезеяк а чаркоди. Эрва чи- стэ яла ушоды од разделт. А ке- нердяно чаркодеме ды ютамо ко- дамояк вейке раздел, сон седе ку- рок велявтни страницатень седе икелев.


Кодак кияк зярдояк задачань ре- шамсто тейсь ильведкст, путы тензэ Калядин берянь тешкс (от- метка) ды мейле вестьяк а кевк- стнесы. Истятнэнь тетрадекстак а ванкшны, механически тест эрва- шкане тейни берянь тешкс. Каля- динэнь койсэ истят студентнэ, ко- нат вестэ эли кавкст ильведк- шнестэ,—сынэ бую мезеяк а со- дыт. Ды а лездыак тест, а кевк- стняк эйсэст. Вана кавто при- мерт: васеньце курсонь физкуль- турной отделениянь студенткась Базаева Шурань зярдояк эзизе кевкстне Калядин. Мейле карма- тызе задачань решамо. Шура ала- модо ильведсь. Калядин тензэ эзе- ефта, кода эряви витемс ильведк- ксэнтэ, мерсь тензэ озак ды путсь берянь тешкс. Секе жо задачань тееме тердизе Рузавинань, сонгак эзэ сода кода витемс ильведк- ссь. Калядин вансь-вансь ды кежейстэ мерсь:—озак. Рузавина- неньгак путсь берянь тешкс. Седе мейле неть студенткатнень Каля- дин вестьяк эзинзе кевкстне. А лезды тест, лави беряньстэ тонав- тняксы ды весе. Истят примертнэде ламо можналь бу невтемс.

Калядин мезексак а лови уда- лов кадовицянтень марто роботамонть. Вестьяк киненьгак мезеяк эзэ невте, эзэ толкова, эзэ лезда. Секс ламо тонавтият лововить берянекс. Задачань решамо Каля- дин тердти ансяк парсте тонав- тнянтень.

Весе теде башка, сон а видестэ путни тешкстнэньгак. Кона сту- дентэсь, кода мерить, туй меле- эзнэ, кона тензэ подхалимничает, се куш кода тонавтезэ—паро тешкс тензэ путы. Колмоце чет- вертень отметкатнень сон весе човоринзе. Кинень эряволь путомс паро, эли отличной тешкс, сон путсь берянь эли посредственной ды мекей лангт. Вана примеркс: Харитонов Вера ды Дворянцева Анна математиканть а содасыз, сынэ задакатнень списывают ояст пельде. Калядин соды, што сынэ сынсь мезеяк а тейнить, яла теке тест путни паро отметкат.

Минь а содатано, кода педучи- лищань дирекциясь ваны Каляди- нэнь преподаваниянь „методовзо“ лангс?

Содыця.



Москов—Рав каналось

СНИМКАСОНТЬ: Хлебниковасо Москов—Рав каналонть трокс чугунка кинь сэдесь.

Фотось Ф. Кисловонь (Союзфото).

## МОСКОВ—РАВ КАНАЛОСЬ

1931 иестэнтэ ВКП(б)-нь ЦК-нь июньской пленумось тейсь путовкс седе, штобу Москов-леенть вейсэн- гавтомс Равонть марто, Равонть эйстэ теэмс канал Москов-леенть видсь.

Каналонь строямонь весень снар- тнематне ульнестэ эщо кавто ся- дот иеде теде икеле. Седе мейле (1825—1844 иетнестэ) бажасть ке- педемс Москов-леенть уровенезэ, штобу усксемс кевть „христа спа- сителя“ храмонтень, конань сестэ строясь. Яла теке, XIX-це пингень кодгеменьце иетнестэ прыдозельтэ веденть уровенезэ кепедмань ко- ряс весе роботатне.

Москов ошось ашти аламо ведь марто лей лангсо. Москов-леенть а покш томка-чизэ мешась судо- ходстванть касомантень. Ды ансяк покш ведь марто, судоходной ле- екс 128 вайгельпень кувалмосо ка- налос Москов-леесь ули скулмазэ Волжской ведень системахь мар- то, Каспийской иневеденть марто, Балтийской ды Белой иневедтнень

марто, мейле ули скулмазэ—Азов- ской ды Черной иневедтнень мар- то. Москов-леенть уровенезэ касы 3 метрань сэр. Сонзэ эзга, истя жо, када каналганть, кармить яка- мо волжской покш парашодт.

Москов—Рав каналось ушодови Горьковской областень Ивановка веленть маласто ды пачкоди Мос- ковонть маласо Щукино веленть видсь.

Апрелень 18-це чистэнтэ Москов- —Рав каналонтень якась СССР-нь ЦИК-нь ды УССР-нь ЦИК-нь пред- седателесь Г. И. Петровский ял- гась. ТАСС онь сотрудник марто кортнемстэ Петровский ялгась ев- тызе мелензэ Москов—Рав канал- донть.

„Сооружениясь пек вадра. Сон- зэ ули хозяйственной ды экономи- ческой докш значениязо. Кенярдов- ты се, што тень теинек минь минсь, што минек заводтнэ каналонтень макссть пек сложной оборудования ды, што строительствахь парсте невтизэ эсь прят советской од ин- женертвэ ды техниктэ. Те сех пек паро ды приятна.

Задачась ашти сенсэ, штобу парсте тевс ютавомс каналонтень, сонзэ оборудованианть, лезэ марто саемс сонзэ сооружениянтень ютав- тозь средстватнень“.

Минь апрелень 16-це чинь номер- сэнть сермадынек уш, што Мос- ков—Рав каналонтэ строямозо в основном уш прыдозь, ней тосо ушодовсь, кода мерить, пси шка, теить отделочной меельсь робо- татнень. Ды весемасторлангонь пролетарской солидарностень чис- тэнтэ,—Маень I-нь чистэнтэ, ке- нярдомань, трудонь празникень со- циализманть ине изнявкстнэнь праз- никень чистэнтэ каналонтэ стро- ицятне мерить масторонтень:

— Ули! Равсто васень парашо- дось сась Московов!

Каналонтэ строицятне аюкстыть достойнойстэ вастомс ине праздни- кенть. Каналонь весе трассаванть апрелень 20-це чистэнтэ ушодовсь маень читнеде икеле шкахь стаха- новской декада.

тнэ. Религиозной культонь служи- тельтне тевс ютавтыть минек куш аламодо кургонь автнеманок, што- бу ванстомс эсист виест ды тей- немс зыян народонтень.

А мествь кортамсак, религиозной представительняне трудиянтень ютксто кулсит. А сепови сеяк, што религиясь кадовсь эщо ломаньтнень аволь вишкине пельксэнтэ эрямо койсэ, сех пек велесэ, аватнень ютксо, национальной областнесэ. Тень ютавтыть тевс церковниктэ, конат меельсь шкастонть келей- гавдсть азаргадонь работа эсист „пастванть“ ды эсист доходтнэнь ванстоманть ды покшолгавтоманть коряс (теке марто эряви меремс, неть доходтнэ аволь уш истя виш- кинет, сынэ пачколит иентэ яры- а сядо миллионть целковойс). „Религиозной культнэнь отправление- ниянь“ оля-чинь флагонть ало, ко- на (оля чись) узаконенной Консти- туциясонть, церковниктэ кастыть активностест народонтень ды со- циалистической строительствахь зыянонь кис.

Куйбышевской областэсэнтэ по- птнэ ды сынст приспешниктэ ушодсть виев кампания икеле трудиянтень мелест коряс пек- стазь церкуватнень панжоманть кис. Революциядонть икеле тосо ульнестэ 2.200 церкуват, ознома таркат, мечетть. Революциянтэ нетнень перть пекстазельтэ 1.173. Апак пекста церкуватнень эйстэ

алкуксонь тевсэ роботастэ 325. Ней областной организациятнес- састэ знялдомат примерна истяня жо церкувань панжомодо. Цер- куватнень понжоманть кувалт хо- доктнэде областэсэнтэ 1935 иес- тэнтэ ульнестэ 60 ломанть, 1936 иестэнтэ жо—336. Пек любопыт- ной физиономияст церкуватнень панжомаст кис „мелявтыцятнень“. Красногвардейской велесэнтэ (Бор- ский район, Куйбышевской областэ) религиозной „активенть“, кона вешсь панжомс церкуванть, прят- токс ашти икелень самарской гу- бернаторонть Бренчаниновонь род- ственницазо Христ купчихась, ко- нась аволь умок сась ссыласто.

Улит фактт, зярдо ломаньтне, конат икеле лоткасть религиянтень кемемадо, ней церковниктэньвлия- нияст коряс таго ютавтыть рели- гизной койтнень. Тосонь комсо- мольской организациянтень визь- ксэс, неть ломаньтнень ютксо улит ВЛКСМ-нь членгак. Богатовской районсонть, Куйбышевской об- ластэсь, Туркин комсомолецэсь венчась церкувасо ды якась кре- стной тетякс братонзо эйкакшонь лемдямо. Ульяновской районсонть Кузнецов комсомолецэсь праздно- вась религиозной праздниктэ. Пен- засо ды Ульяновскойсэ техникум- тнэнь кой кона студентнэ ды шко- латнень тонавтиятне морав- тить церковной хорсо. Вейкинетэ- ли неть фактнэ? Кода а жаль,

арась, аволь вейкинетэ.

Церковниктэ ды сектантнэ, неть, чевтестэ мерезь, палозь шар- латантнэ, ней одс ютавтыть рели- гизной шантажонь классической приеят. Таго зярыя таркава кар- масть „одкстомомо“ пазаватне, кармасть улеме „свещенной“ лись- матнень ознomo якомот (палом- ничество), кармасть „чудесна пич- ксеме“ сзредицятне. Приволжской вейке районсо мракобестнэ цер- кував причастиямонь кис усксты „азаргалиця“ ава. Зярдо сонзэ, келя, „вийсэ“ („наильно“) причастиясь, сон вете минутань ютазь кармасть улеме нормальнойкс.

Таго одс появаст кой-кона угольнестэ дикой кулятне, конат- нень поддтнэть мракобестнэ, мо- данть лангс (?) планетань прамод- до, „кежень пандыця толдо“, ко- нась бую куроксто пры менель- стэнтэ, ды лия виде-паронь чепу- хадо.

Церковниктэ а нулгодить эри- цятнень удалов кадовикс пельксэст маньчеманть туртов кодаткак средстватнеде. Куншка пингень изуверствань кодат пределс пач- колить неть ломаньтне, неяви истя- мо чудовищной случайстэнтэ. Ивановской областэсь Яковлев- кой льнокомбинатонть рогачевской фабрикасонть роботась 26 иесэ Агния Тимонина. Зярдо бути шкахь перть сон ульнесь тосонь сектант- нэнь влиянияст ало. Сынст эйсэ

сезевемадонть мейле Тимонина кундась стахановской движения- нень ды курок кармасть улеме пек паро роботникакс. Но сектантнэ сонзэ эзизь кадо спокойс. Сынэ Тимонинанэнь кармасть кортнеме, што сон „эсь прынзо миизе каз- нень кис“. Грозязь, сюзозь, шан- тажонь ветязь сонзэ кортызь „ис- купить эсинзэ грехтнэнь“, эсь прынзо маштозь.

Алкуксонь тевсэ тевсэ аволь эсь прынь маштома, но „христолуби- вой братьянтень“ ендю фабрикахь сех паро роботникахь маштома.

Кода можна истят тевтнень пингстэ миролюбиво ды апак ме- ливто кортамс, што минек бую пазнэнь озныть ансяк сыре бабатне?

Политической сокортнэ миненек аволь седе а пек опаснойть, чем сынсь врагтнэ! Мейсэ жо лиясо, бути аволь политической сокор- чисэ ды врагонтень примиренче- ствасо, можна толковамс Иванов- ской роботниктэнь прынь ветя- мост, конат лоткавтызь религиянтэ каршо бороцямонть?

Церковниктэ эсист зыянов, а чуросто жо антисоветскойгак, практикаст снартнить вельямс советской властенень лояльнос- тень тонкой политикасо ды социа- листической строительствахь мик „седей марьямонь“ невтемасо.



## Серма ВЛКСМ-нь Мокшэрзянь обкомонь секретарентень Иванов ялгантень

Саранскоень ошонь комитетэсь ВЛКСМ-нь Куйбышевской крайкомонь II-це пленумонть итогонзо коряс мартонь 19-це чистэ ютавтсь комсомолонь ошонь активень промкс, косо активесь кеместэ критиковась ВЛКСМ-нь Мокшэрзянь обкомонь ды Саранскоень ошонь комитетэнь роботаст, крайкомонь II-це пленумонть итогонзо коряс жо ульнесь примазь решения.

Те решенияньт вейке пунктсонзо ульнесь сермадозь, што крайкомонь II-це пленумонть итогонзо коряс докладонть ВЛКСМ-нь Мокшэрзянь обкомонь секретаресь **Иванов** ялгась тензе идейно-политической алкине уровеньсэ. Но, комсомолецтнень а содавикс тувалонь коряс, комсомольской активеньт решениязо газетас эзь ульнэ печатазь ды кадовсь ВЛКСМ-нь ошонь комитетэнь канцелярской „дебратнесь“.

ВЛКСМ-нь Куйбышевской крайкомонь III-це пленумонть итогонзо коряс жо апрелень 2—5 читнестэ ульнесь ютавтозь комсомолонь республиканской активень промкс. Те промксонть крайкомонь секретаренть Левиновский ялганть докладонзо коряс прениятнесь комсомолецтнэ большевистской критиковась ВЛКСМ-нь Мокшэрзянь обкомонь бюронь роботанзо ды башка обкомонь секретаренть Иванов ялганть ды бюронь членнень **Симдяшкин, Венедиктов, Борисов** ялгантень роботаст.

Активеньт вешеманзо коряс Мокшэрзянь обкомонь III-це пленумось каинзе ВЛКСМ-нь обкомонь бюронь членстэ **Симдяшкин, Венедиктов** ялгантень ды бюронь ды пленумов членстэ каинзе **Борисов** ялганть.

Комсомольской активесь тейсь решения, конась ветязь сенень, штобу седе курок маштомс ВЛКСМ-нь обкомонь роботасо весе асатыктнень.

Но вана ютасть 15 чить, комсомолонь республиканской активеньт решениязо жо те шкас апак печата а „Ленинэнь киява“, а „Комсомолонь вайгаль“ газетатнесь. Сыньюмасть ВЛКСМ-нь Мокшэрзянь обкомонь ды Саранскоень ошонь комитетэнь „бюрократической канцеляриятнесь“.

Комсомольской активеньт решениятнень ВЛКСМ-нь Мокшэрзянь обкомонь секретаренть **Иванов** ялганть ды ошонь комитетэнь секретаренть **Киселев** ялганть ендю истамо отношениянть лясас а мейсэ толковамс, кода сынст енде комсомольской активень промксонть мезекскак а ловомасо ды сонзэ ролензэ алкагавтомасо.

Мокшэрзянь ВЛКСМ-нь обкомонь секретарентень **Иванов** ялганть ды ошонь комитетэнь секретарентень **Киселев** ялганть комсомолецтнень ды весе комсомольской организациянть туртов эряви максомс толковамо седе, мекс активень промкснень решеният те шкас кирдить эсист „канцеляриятнесь“.

**В. Симдяшкин—**

ВЛКСМ-нь Мокшэрзянь обкомонь ды Саранскоень ошонь комитетэнь членсэ.

## ЛОВНЫЦЯНТЕНЬ ЛЕЗКСЭКС ЯПОНИЯСО ПОЛИТИЧЕСКОЙ ПАРТИЯТНЕ

Апрелень 30-це чис Япониясо аравтозь парламентской од кочкамот. Япониянь политической партиятнень виензыз кочкамотнень келей анокстамонть.

Япониянь конституциясь парламентэнтень башка прават а максы. Конституциясонть максозь покш прават императоронтень, конань улить праванзо войнань яволятоманть, законтнень (указтнень) ливтеманть, парламентэнь нолдамонть, од правительствань ладямонть туртов ды лият. Парламентэсь явозь кавто палатас: верце палатас ашти ломантнестэ, конат членства получаст эли наследстванть коряс (титулованной) эли нетнень эйстэ, конатнень аравтынзе сонсь императорсь. Алце палатань кочкить. Верце палатасо может лондадомс законось, кона примазь алце палатасо.

70 миллионть эриятнень эйстэ кочкамонь праваст ули ансяк 14 миллионть ломаньтнень. Кочкамонь праваст арасть тейтерь-аватнень, военнотружашейтнень, студентнень ды нетнень, конатнень эсть тополе 25 иеть. Теде башка ули оседлостень ценз. Лисни, што кочкамо вайгелест арасть од ломантнень, сех ламо робочейтнень ды салдатнень. Робочейнть организациятнень а саты внист сень туртов, штобу аравтомс кочкамонтень кандидат секс, што эрва кандидатонть кис эряви пандомс покш питне (залог).

Неень шкань кочкамотнесь кармить улемиестят партият: **Минсейто**—промышленниктнень ды земельной аристократиянь партияс, кона кеместэ сюлмавозь крупной капиталистнень марто. Япониясо те партиятнень ловить „умеренноекс“ ды „либеральноекс“. Те партияс ежов сатьме-чи марто вети внешней политиканть.

**Сейюкай** партияс—Япониясо буржуазной сех покш ды сех реакционной партият. Те партияс эрва шкане ашти военщинанть кис. Партиятнень эйсэ ули крупной фашиствующей группировка, конань прывтсо ашти Кухара капиталистэсь. Ютась кочкамотнестэ те партияс кирдсь поражения. Маторсонть мелень ловозь, те партияс кочкамотнесь ашти „конституционализманть ванстомань“ лозунгонть кис.

**Сиовакай**—буржуазной парламентской аволь покш партият, конань неень кочкамотнестэ ашти правительстванть кис.

**Кокумин Домей**—пелсфашистской организация, кеместэ сюлмавозь военщинанть марто, но арась массовой базазо. Лозунгонзо реакционной. Германиянь фашистнень примерэст коряс вешн нолдамс стерилизациядо закон.

**Сакай Тайсюто**—социал демократической партият. Сонзэ эйсэ совить профсоюзной ды крестьянской башка организациятне. Политической чаркодевикс программазо арась. Массатнень лепштямост ало ды вайгелтнень мельга панезь, ютась кочкамотнесь лиснесь антифашистской лозунгтнень марто ды получакшнось парламентс 18 таркат. Вешн сень, штобу вадрялгавтомс Китай марто отношениятнень, теэмс СССР марто а каявомадо пакт, теке шкане жо аравты аволь кеме лозунгт.

**Никон-Мусанто**—(Япониясо протестарской партият), **Секай-Тайсюто**нь керш крыла, те партиятонть лиссь 1936 иестэ. Ашти единой фронтонть кис. Сонзэ руководителез **Кат-Ксанд-зю** ютась кочкамотнестэ получась сехте ламо вайгелеть. Сонзэ лозунгонзо истят: „Долой фашизманы!“, „Вансто до парламентаризманть“.

## КУЛЬТМАССОВОЙ РОБОТА

Неть читнестэ Ташто Орданьбуе велесэ ютавтозель культработниктнень совещания, косо вано-зель вейке вопрос—тунда видема шкастонть колхозниктнень ютксо культмассовой роботанть ветьамо доизо.


Совещаниясь тейсь путовкс сень коряс, штобу свал нолднемс стенгазета. Видема шкастонть вете

чинь ютазь нолдамс бригадань стенань газетат.

Эрва бригадас ды скотинань тпрямо-раштамо ферматнесь аравтомс культработникт, конат кармить колхозниктнень ютксо ловном газетат ды журналт.

**П. Мамаев.**

Ардатовань район.



„Овцевод“ совхозось ((Оншуйский Оайман)—Ойратской автономной областень овцеводческой сех покш совхоз.

**СНИМКАСОНТЬ:** „Таботай“ совхозонь фермань Чабанонть помощникезэ, комсомолкась **Шура Марнова** ваны реветь.

Фотось **Мясниковонь** (Союзфото).



## Нью-Йорксо антифашистской демонстрациясь

Мартонь 27-це чистэ, те иестэнтэ, Нью-Йорксо ульнесь трудиятнень антифашистской покш демонстрация.

**СНИМКА СОНТЬ:** демонстрациянь вейке участницас оршазь Испаниясо республиканской войскантень боецень формасо. **Шарфсонзо** сермадовкесось: „**Но пассарон!**“ (а ютыть).

(Союзфото.)

## Сермадстано „Ленинэнь киява“ газетанть лангс!

## Ответ Ярославкинэнь тердемантень

„Ленинэнь киява“ газетасонть печатазель **И. А. Ярославкинэнь** сермазо косо сон ловныцятнень ды юнкортнень терди „Ленинэнь киява“ газетанть лангс сермадстомань коряс роботань ветьамо.

Мон примаса **Ярославкин** ялганть тердеманзо ды эсинеке велесэ—Ташто Ардаговасо нейке жо од ломаньтнень ды комсомолецтнень ютксо карман ютавтомо „Ленинэнь киява“ газетанть лангс сермадстома.

**Петр Мамаев.**

Ардатовань район.

Видестэ сермадсь **Ярославкин** ялгась, што эщо аламо комсомолецт, од ломанть ловныть „Ленинэнь киява“ газетанть. Вана минек Чамзинкань средней школасонть 85 комсомолецтнень эйстэ ансяк 10 комсомолецт ловныть „Ленинэнь киява“ газетанть. Зярдэ кевксият лиятнень—мекс а ловнотадо, сыннь мерить: секс, што сон эрзянь кельсэ. Сынсь жо неть комсомолецтнэ эрзят, но а ловныть.

Эряви минек теэмс истят, штобу седе ламо од ломанть, комсомолецт ловновольте те газетанть. Эряви ютавтомс сынст ютксо сермадстома.

Мон энялдан „Ленинэнь киява“ газетанть редакциянтень, штобу газетасонть кармаволь улеме развлечениянь отдел.

**Н. Симдянов.**

Чамзинкань район.

## В. Н. Пчелин художникенть од роботазо

„Покушение на В. И. Ленина“ картинань авторозо искусствань заслуженной деятелесь **В. Н. Пчелин** художникесь ней сермады покш полотна „Советтнень Весе-союзной Чрезвычайной VIII-це Съездсэ Сталин ялганть докладозо“. Те роботась ули невтезь „Индустрия социализма“ выставкасонт.

Отв. редакторось **М. ЛЮПАЕВ**